



COLORADO

Office of Economic Development & International Trade

Deeqda Amaahda Ganacsiga Lagu Bilaabo ee Colorado

Guudmar

Nooca: Amaahyo

Loogu talagalay: Ganacsiyada yaryar

Cadadka: \$31.35 milyen ayaa la heli karaa

Muddada arji dirsashada: Araaji dirsashada waxay furmi doontaa dhammaadka 2021

Qeybta OEDIT: Deeqaha iyo Lacaga Dhiirrigelinta ee Loogu Talagalay Ganacsiyada

Deeqda Amaahda Ganacsiga Lagu Bilaabo ee Colorado waxay amaahyo iyo deeqo yaryar siisaa ganacsatada iyo milkiilayaasha ganacsiyada yaryar ee ka jira Colorado kuwaas oo u baahan lacag ay ku bilaabaan, dib ugu bilaabaan, ama dib u habayn ugu sameeyaan ganacsigooda, iyo kuwa aan awoodin inay deyn ka helaan xarumaha amaah bixinta ee caadiga ah. Tani waa deeq amaah oo wareegto ah, taas oo macnaheedu tahay in lacagta loo isticmaali doono sii wadidda taakuleynta ganacsatada cusub maadaama deymaha la soo celin doono.

In kasta oo ay jiraan dadaalo badan oo lagu taageerayo ganacsiyada jira xagga dhaqaalaha intii lagu jirey cudurka safmareenka ah ee COVID-19, ganacsiyo badan ayaa durba la xiray. Sidaas darteed, waxaa jira fursado ah in la furo ganacsiyo cusub si loo buuxiyo dalabyada soo laabanaya iyo kuwa cusub. Ganacsadayaasha soo gudbiyey inay galeen musalafnimo ama albaabada u xiray ganacsigooda sababo la xiriira COVID-19 waxaa laga hor istaagi karaa inay dib u soo galaan suuqa sababo la xiriira dhibcahooda amaahda oo hooseeya ama saameyno kale oo xagga dhaqaalaha ah kuwaas oo la xiriira cudurka safmareenka ah. Deeqdani waxay gacan ka geysanaysaa abuurista ganacsi cusub iyo dib-u-qaabeynta ganacsiyada hadda jira si ay uga shaqeeyaan suuqa maanta.

Faahfaahinta barnaamijka oo ay ku jiraan u-qalmitaanka iyo geedi-socodka arji dirsashada ayaa la qeexi doona. Arji dirsashada waxaa la furi doonaa dabayaaqada 2021. Iska diiwaangeli helitaanka iimaylada wixii ka barnaamijka ka soo cusboonaada OEDIT.

Deeqda waxay diiradda saari doontaa:

- ganacsiyada jira ee u baahan dib-u-qaabayn, dib-u-qeexidda moodhelkooda ganacsi, ama dib-u-xoojin sababo la xiriira cudurka safmareenka ah ee COVID-19
- ganacsiyada cusub buuxinaya baahiyaha ka jira bulshada ama warshadaha sababo la xiriira xiritaanada ganacsi ee uu sababay cudurka COVID-19

- ganacsatada la kulmay khasaare maaliyadeed ama saameyno kale oo uga yimid cudurka safmareenka ah ee COVID-19 kaas oo laga yaabo inuu ka hor istaagay inay lacag ka helaan xarumaha amaah bixinta ee caadiga ah
- dadka la kulma caqabadaha ka istaaga inay amaah ka helaan xarumaha amaah bixinta ee caadiga ah

Waxaan iskaashi la sameyneynaa deyn-bixiyeyaal aan macaash doon ahayn iyo hay'adaha maaliyadeed ee horumarinta bulshada (CDFIs) si aan u fulino barnaamijka. Faa'iidada laga helayo la shaqaynta ururadan ayaa ah inay:

- badanaa deymo ka bixiyaan deyn meelaha bangiyada caadiga ah iyo xaddidaada cadadka amaahdu ay ka hor istaagayso amaahiyeyaasha caadiga inay deyn bixin ka sameeyaan
- leeyihiin xulashooyin dabacsan oo ah dib-u-bixinta iyo dib-u-qaabeynta amaahda
- bixiyaan caawimaad farsamo oo dheeraad ah iyo wacyagelin qoto dheer oo lagu gaarayo bulshooyinka aan adeeg ku filan haysan marka loo barbar dhigo amaah bixiyayaasha caadiga ah
- yihiin ururo hadaf hogaamiya leh, sidaa darteedna dulsaarkooda iyo khidmadaha ay dadka ka khaadaan aad ayay uga hooseeyaan hay'adaha kale ee bixiya kaararka amaahda ama amaahiyaha mushaharka
- gacan ka geystaan horumarka dhaqaale ee dadka iyo ganacsiyada aan marin u haysan ilo dhaqaale